



ইনস্টিটিউট অফ
কুরআনিক স্টাডিস্

সালাতের গুরুত্ব

সালাত ইসলামের দ্বিতীয় রুকন। ঈমান আনার পরেই প্রধান কাজ হল সালাত কায়েম করা। সালাতের প্রতি গুরুত্বারপ করে মহান আল্লাহ তা'আলা পবিত্র কুরআনের বহু আয়াতে সালাতের নির্দেশ দিয়েছেন।

আল্লাহ তা'আলা বলেনঃ

وَأْمُرْ أَهْلَكَ بِالصَّلَاةِ وَاصْطَبِرْ عَلَيْهَا

অর্থঃ তোমার পরিবারবর্গকে সালাতের আদেশ দাও এবং তাতে নিজে অবিচল থাকো। (সূরা ত্ব-হা ১৩২)

মুহাম্মাদ সাঃ সালাতের উপর গুরুত্ব দিয়ে বলেন তোমরা তোমাদের সন্তানদেরকে সালাতের নির্দেশ দাও, যখন তাঁদের বয়স সাত বৎসর। আর দশ বছর বয়সে সালাতে অমনোযোগী থাকলে তাদেরকে শাসন কর।

(আবু দাউদ)

সালাত আদায় করা মু'মিনের পরিচয়। আর সালাত বর্জন করা কাফেরের পরিচয়।

হাদিসে এসেছেঃ

عَنْ جَابِرٍ رَضِيَ اللَّهُ عَنْهُ قَالَ قَالَ رَسُولُ اللَّهِ صَلَّى اللَّهُ عَلَيْهِ وَسَلَّمَ بَيْنَ الْعَبْدِ وَبَيْنَ الْكُفْرِ تَرْكُ الصَّلَاتِ

অর্থঃ জাবির (রাঃ) হতে বর্ণিত, তিনি বলেন, রাসূলুল্লাহ সাঃ বলেছেনঃ মু'মিন বান্দা এবং কুফুরীর মাঝে পার্থক্য হল সালাত ছেড়ে দেয়া। (সহীহ মুসলিম)

অতএব, প্রত্যেক মুসলিম নর-নারীকে অবশ্যই দৈনিক পাঁচ ওয়াক্ত সালাত আদায় করতে হবে।